



تلخيص المحاضرة الثالثة

تلخيص المحاضرة الثالثة

الحمد لله وأشهد ألا إله إلا الله وأن محمدًا عبده ورسوله، ثم أما بعد:

(وَالسَّمَاءَ بَنَيْنَاهَا بِأَيْدٍ وَإِنَّا لَمُوسِعُونَ)

والسمااء بنيناها، السمااء بناء قوي، والله بناها، وأنتم تقرون بذلك! أنت تقرر أن الله خلق السماوات والأرض، طيب تنكر البعث ليه! يبقى إذ إذا ثبت عندك أن الله خلق السمااء فمن باب أولى يثبت عندك البعث لأنه أيسر على الله سبحانه وتعالى..

ما معنى كلمة أيد؟ كلمة بأيد تعني "بقوة" لأن كلمة أيد في لغة العرب تعني القوة، ودي مش جمع يد _ لأن جمع يد = أيدي، أو أيادي _ أيد في لغة العرب معناها القوة.

فقوله تعالى والسمااء بنيناها بأيد أي بقوة، وده لا ينفي إن ربنا له يد، ولكن بنقول إن ثبوت اليد مش في الآية دي ولكن بأية أخرى لقوله تعالى:

(بَلْ يَدَاهُ مَبْسُوطَتَانِ يُنفِقُ كَيْفَ يَشَاءُ) [المائدة ٦٤].

فلا شك أن أهل السنة يثبتون لله تعالى يد.. يثبتون لله يد بل يدان، لأن الله قال كده، بل "يداه" مبسوطتان..

وده دليل قطعي يعني متفق عليه أهل السنة، أما أهل البدع بيؤولوا اليد للقدرة، بيحاولوا إنهم ينفوا صفة اليد دي

مشكلة أهل البدع إنهم بيقولوا إن احنا لو قولنا لله يد يبقى احنا شبهنا ربنا بخلقه، وأهل السنة بيقولوا احنا بنثبت الصفة وبنقول معاها:

(لَيْسَ كَمِثْلِهِ شَيْءٌ وَهُوَ السَّمِيعُ الْبَصِيرُ)

له يد تليق بجلاله، له يد تليق بجماله.. بكماله..

ما معنى وإنا لموسعون؟

تحتمل معنيين: "الموسع من الاتساع، الموسع من الوُسع يعني القدرة والطاقة والقوة"

1- المعنى الأول وإنا لموسعون معناها أن الله يقول لقد خلقت السمااء ووسعت أرزاقها، وإنا لموسعون يعني جعلناها واسعة الأرجاء وهذا يدل على عظم خلق السمااء! السمااء واسعة.. ورفعها بغير عمد ترونها، فيها النجوم والكواكب والعجائب! سبع سماوات!

2- ولو فسرنا موسع من الوسع، يعني وإنا مقتدرون على ذلك، ومفيش تعارض! عشان الله مقتدر ومن مظاهر قدرته أنه خلق هذه السمااء الواسعة..

يبقى هنا اختلاف تنوع .

﴿وَالْأَرْضَ فَرَشْنَاهَا فَنِعْمَ الْمَاهِدُونَ﴾

فرشناها: جعلناها فراشاً مهاداً للناس يسسروا عليه، تنصلح حياتهم به..

فنعم الماهدون: مهدناها للحياة.. الأرض دي لولا الله مهدها للحياة لكانت لا تصلح!

كانت ممكن الأرض دي تميل بالناس!

تخيل الأرض دي مفوهاش جبال عاملة زي السفنج كده ... مش هتعرف تبني عليها عمارة ولا بيت ولا تعرف تعيش عليها، تخيل الأرض طرية، مش ثابتة تميل وتضطرب، كل أما تبني بنيان يتهد! كل أما تمشي تقع..

فربنا جعلها إيه؟

مهاده.. جعل فيها رواسي، جعلها ممهدة جعلها مهيئة للحياة.. ف دي من نعم ربنا علينا..

﴿وَمِنْ كُلِّ شَيْءٍ خَلَقْنَا زَوْجَيْنِ لَعَلَّكُمْ تَذَكَّرُونَ﴾

معنى زوجين.. وما معنى زوج..

كلمة زوج في اللغة تعني: صنف

كما قال تعالى:

﴿احْشَرُوا الَّذِينَ ظَلَمُوا وَأَزْوَاجَهُمْ وَمَا كَانُوا يَعْبُدُونَ﴾ [الصَّافَّاتِ ٢٢].

أزواجهم هنا مش معناه مراته يعني، ممكن يكون ظالم ومراته كويسة، هل أي حد ظالم هنجيب معاه مراته؟ لا، وأزواجهم يعني وأمثالهم، أصنافهم، ف كلمة زوج تعني صنف ..

(يبقى زوجين معناها صنفين ..)

وهنا المقصود " وَمِنْ كُلِّ شَيْءٍ خَلَقْنَا زَوْجَيْنِ " ، يعني صنفين متقابلين متضادين .. فخلق سبحانه كل شيء وضده .. خلق الأبيض والأسود ، الطويل والقصير ، الموجب والسالب ، البروتون والالكترون ، الأرض والسماء ، الحر والبارد ، الشتاء والصيف ، الليل والنهار .. لن تجد شيء إلا وله زوج .. الذكر والأنثى طبعاً ، ده أساس الزوجين يعني ، فكل شيء له زوجين

"لَعَلَّكُمْ تَذَكَّرُونَ"

1- قدرة الله الباهرة .. أن يخلق الشيء وضده .. يعني ده أول شيء في التذكر .. أن يخلق الشيء وضده .. وهذا من كمال القدرة !!

فده يجعل العباد يقرون ضمناً أن الذي يقدر على أن يخلق كل شيء ، خلق كل شيء بل مش خلق كل شيء وبس ، لا ده كل شيء وضد كل شيء ، ف هذه القدرة المنوعة تذكر الإنسان بقدرته على البعث .

2- وحدانية الله تعالى وأنه ليس له مثل وليس له شبيه وليس له منافس وليس له مضاد وليس له نِد وليس له نظير ولا ممثال ولا منافس ولا مضاد ولا شيء!

إلا هو سبحانه وتعالى .. عشان كده كلمة "أحد" لا يوصف بها أحد إلا الله ، يعني أقول علاء ده واحد ، لكن مقولش أحد ، لأن الأحد هو الذي ليس له مثل ..

فلما يقر الإنسان بكده ، إن الله هو الذي له القدرة الباهرة ، الله هو الملك ..

{فَقِرُّوا إِلَى اللَّهِ إِنِّي لَكُم مِّنْهُ نَذِيرٌ مُّبِينٌ}

ففرو إلى الله .. يعني عد إلى الله والجا إلى الله .. وليس لك إلا هو ..

النبي صلى الله عليه وسلم لقي رجل من المشركين وقال يا فلان كم إله تعبد ؟ قال سبعة = ستة في الأرض وواحد في السماء ..

قال من الذي تعده لرغبتك ورهبتك ؟!

قال الذي في السماء .. قال فاعبد الذي في السماء!!

الله تعالى هو الذي يُفَر منه إليه ..

{وَضُتُّوا أَن لَّا مَلْجَأَ مِنَ اللَّهِ إِلَّا إِلَيْهِ}

أعوذ برضاك من سخطك وبمعافاتك من عقوبتك وبك منك لا أحصي ثناءً عليك، "أنت أثبتت بالله من الله"

{ إِنِّي لَكُم مِّنْهُ نَذِيرٌ مُّبِينٌ }

بيان وظيفة الرسل ووظيفة الدعاه من بعد الرسل....

فأولاً الشرط الأول أن ينذر الناس ويحذرهم ويبلغهم والبلاغ وليس عليه هداهم

{كَذَلِكَ مَا أَتَى الَّذِينَ مِن قَبْلِهِم مِّن رَّسُولٍ إِلَّا قَالُوا سَاحِرٌ أَوْ مَجْنُونٌ}

ربنا بيهون على النبي عليه الصلاة والسلام ما ألقى بيقوله كله أتقله كده مش أنته لوحداك
أنا لما أعرف كل الناس حصلها كده ده بيهون عليا عشان كده أتقال ل النبي عليه الصلاة
والسلام:

{مَا يُقَالُ لَكَ إِلَّا مَا قَدْ قِيلَ لِلرُّسُلِ مِنْ قَبْلِكَ}

وقالوا "المصيبة إذا عمت خفت المصيبة"

{إِلَّا قَالُوا سَاحِرٌ أَوْ مَجْنُونٌ}

{فَتَوَلَّى بِرُكْنِهِ}

فرعون {وَقَالَ سَاحِرٌ أَوْ مَجْنُونٌ}

نفس الكلام بالظبط فربنا بيقول {أَتَوَاصَوْا بِهِ}

هما بيقولوا نفس الكلام هما بيواصوا بعض بيه، كلام الأمم واحد ونفس الطريقة حتى إلى
الآن لسه بيتهموا الدعاه بنفس الكلام نفس الكلام بيتقال للدعاة بس بشكل تاني؛ فالحيل النفسيه
والحيل الشيطانية ومكر الشيطان واحد في كل زمان ومكان...

{بَلْ هُمْ قَوْمٌ طَاغُونَ}

يعني طغيانهم هو الذي حملهم على هذا البغي

{فَتَوَلَّى عَنْهُمْ فَمَا أَنْتَ بِمَلُومٍ}

تول عنهم يعني أعرض عنهم

متى يكون الإنسان غير ملوم؟

إذا تول عن مدعوا، إذا بذل وسعه في دعوته أستعمل معاه كل الوسائل الممكنة وفي النهاية
هو لا يستجيب

لست بملوم لأن المفروض الإنسان في دعوته بيقدم الأولويات لأن في الآخر أنا إنسان ليا
طاقه، ليا وقت فأنا لما يبقى عندي طاقه ووقت يبقى أولى بيهم الأولى

ومش معنى إن انا أتولى إن أنا هسييه خالص لكن وذكر بس هخلي أهتمامي أكثر بالطرف
التاني ولكن سأستمر في التذكير ممكن على فترات مثلاً أذكره على فترات وربنا بيقول :

{وَذَكِّرْ فَإِنَّ الذِّكْرَ تَنْفَعُ الْمُؤْمِنِينَ}

هو ربنا قاله تولى وبعد كده قاله وذكر يعني كمل عادي كده إحنا مكملين في الدعوة، طيب بعد ما أنا أكمل في الدعوة؟ بيقوله أطمئن الذكرى تنتفع المؤمنين

المؤمنين هنا تحتل معانيين؟

- 1- إما المقصود إلهي هو المؤمن بالفعل
- 2- المؤمنين من علم الله في علمه السابق أنهم سيؤمنون يعني من علم الله أنهم سينتفعون ويؤمنون

إذا الذكرى هدفها إيه؟

أولاً: أتذكر هنا أن الذكرى تنتفع المؤمنين مين المؤمنين؟ إلهي هما المؤمنين بالفعل أول المؤمنين من سينتفعون بهذه التذكرة في علم الله تعالى يبقى ده هدف من أهداف الدعوة أو أهداف الذكر

ثانياً: الهدف الثاني إقامة الحجة عموماً من أهداف الدعوة إقامة الحجة

لماذا ندعوا إلى الله؟

- 1- لكي أعتذر إلى الله وأقول يا رب أنا عملت إلهي عليا
- 2- إقامة الحجة على الناس ومحدث يجي يقول قدام ربنا محدش جالي ولا حد بلغني
- 3- لعلمهم يتقون أو إلهي هي فإن الذكرى تنتفع المؤمنين يمكن حد يتذكر يمكن حد ينتفع يمكن حد يتوب..

خد بالك الانتفاع ده ممكن ميكونش أنتفاع عاجل ممكن يكون أنتفاع تراكمي، في واحد مبيتوبش من أول مره يتوب بعد ما العاشر يكلمه بس هو تاب بالعاشر الأولاني كان ليه أثر والثاني كان ليه أثر والثالث كان ليه أثر والرابع كان ليه أثر فالعاشر مش هو اللي توبه العاشر نمرة عشرة في منظومة أثرت فيه.

ثم قال تعالى مبين الغاية العظمى بقى :

{وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ}

الله تعالى بين هي دي غاية الخلق هي دي أهم آية في الدنيا كلها، أهم حاجة في الحياة إنك تفهمها ولو فهمت دي بتستريح أوي.

يعني إيه ليعبدون؟

فسروها إلا ليوحدون يعني يعبدوني وحدي، إلا ليفردوني بالعبادة وإلا فالكفار كانوا يعبدوا ربنا بس بيعبدوه مع الأصنام.

كما فسرها السلف يوحيدون إلا ليعبدون يعني إلا ليعبدوني وحدي ولا يشركوا بي شيئاً، يبقى ده الغاية من الخلق الغرض من الخلق إن ربنا خلق الخلق لذلك فمنهم من أستجاب ومنهم من أعرض.

{مَا أُرِيدُ مِنْهُمْ مِّن رِّزْقٍ}

متشغلش نفسك بالموضوع دوت أنت خد بالأسباب عادي وفي الآخر كأنه بيقولك أنا كده كده مش بستنفع منك بحاجة هو أصلاً إلهي أنا فرضته عليك ده إلهي هو العبادة ده ليك أنت مش ليا أنا

عشان أنت تتصلح وعشان أنت تخش الجنة وعشان أنت إلهي ترزق أنا مبخدش منك حاجة، أنت الفقير وأنا الغني.

والعجيب إن الغني هو إلهي بيتودد للفقير وبيقوله أعمل كذا وهديلك رغم إن هو مش هيستفيد حاجة من إلهي هو بيعمله والعبادة دي بتعود عليك أنت بس بالنفع وأنت إلهي بتستفيد منها وهو يكفئك عليها وكمان يرزقك في الدنيا...

{مَا أُرِيدُ مِنْهُمْ مِّن رِّزْقٍ وَمَا أُرِيدُ أَنْ يُطْعَمُوا}

كده بيظمنك خليك معايا أوعى تعصيني لأن أنا الرزاق

{إِنَّ اللَّهَ هُوَ الرَّزَّاقُ ذُو الْقُوَّةِ الْمَتِينُ}

قلقان على رزقك ليه؟!

ثم قال تعالى:

{فَإِنَّ لِلَّذِينَ ظَلَمُوا}

في النهاية بقى بعد كل الكلام إلهي قولناه ده محدش أستجاب إلهي مستجبش تعالالي بقى.

{فَإِنَّ لِلَّذِينَ ظَلَمُوا ذُنُوبًا}

العرب كانت بتسمي لما يبقى في ميا كتير لما كل واحد ياخذ نصيب يقول أخذ ذنوب، ذنوب يعني خد نصيبه يعني.

{فَإِنَّ لِلَّذِينَ ظَلَمُوا ذُنُوبًا مِّثْلَ ذُنُوبِ أَصْحَابِهِمْ}

مثل قوم موسى زي فرعون وقوم عاد.

{فَوَيْلٌ لِلَّذِينَ كَفَرُوا مِنْ يَوْمِهِمْ}

اللي هو البعث بقى إلی هو أساس السورة، السورة بتقفّل ما بدأت به.

{مِنْ يَوْمِهِمُ الَّذِي يُوعَدُونَ}

تم بفضل الله سورة الذاريات

سورة الطور

سوره مكّية بلا خلاف، يعنى الذاريات مكّية والطور مكّية.

قصة سورة الطور

كان صحابي أسمه **جبير بن مطعم بن عدي**، مطعم بن عدي ده كان راجل كافر في مكة وليه قصة مع النبي عليه الصلاة والسلام، قصته إن النبي عليه الصلاة والسلام لما طلع رحلة الطائف وكذبوه وبعثوا الأولاد عليه ورموه بالحجارة وسبوه والكلام ده.

ورجع طبعًا حزين عليه الصلاة والسلام اليوم ده كانت قريش ناوين ميدخلهوش مكة أصلاً، فكان النبي عليه الصلاة والسلام طلب حد يجيره حد يحميه حد يدخله مكة تخیلوا وصل الإستضعاف لدرجة إيه، فجه مطعم بن عدي كان رجل كافر بس كان شهم قاله أنا هنجرك وهدخلك بيتك وجمع ولاده كلهم وخلاهم يطلعوا بالسلاح ويحموا النبي عليه الصلاة والسلام ودخله لغاية بيته.

بعد كده مطعم بن عدي ده مات، إبنه بقى أسمه جبير بن مطعم بعد غزوة بدر راح المدينة عشان يتفاوض على الأسرى عشان يدفعوا فلوس بتوع بدر.

والنبي عليه الصلاة والسلام أصلاً في غزوة بدر كان قال كلمة خطيرة جدًا قال لو كان مطعم بن عدي حي ثم سألني هؤلاء النتنى لأعطيتهم أياه.

عشان النبي عليه الصلاة والسلام بيبحب الوفاء، الراجل ده عمل معايا واجب والله لو كان حي وقلّي أسارى بدر كلهم أخذهم من غير فلوس كنت هديهمله بس هو مات بقى خلاص، فجيلي جبير بن مطعم فيقول دخلت المدينة عشان أتفاوض بقى في أسرى بدر والفلوس والكلام ده بيقول فسمعت النبي صلى الله عليه وسلم وهو يصلي وسمعت يقرأ قوله تعالى:

{أَمْ خُلِقُوا مِنْ غَيْرِ شَيْءٍ أَمْ هُمُ الْخَالِقُونَ (35) أَمْ خَلَقُوا السَّمَاوَاتِ وَالْأَرْضَ بَلْ لَا يُوقِنُونَ}

قال فكاد قلبي يطير بها فرحاً من قوله الآية دي.

لما نيجي للآيه دي هقولك ليه جبير بن مطعم كاد يطير بها فرحاً وليه أتأثر بها أوي كده ودي كانت أحد أسباب إسلامه، جبير بن مطعم مأسلمش ساعتها بس أسلم بعدين بس دي كانت من أسباب إسلام جبير بن مطعم...

{وَالطُّور}

الطور في 3 أقوال:

1- القول الأول: **الطور الجبل** عموماً أي جبل.

2- القول الثاني: أن الطور هو **الجبل الذي عليه أشجار..**

العرب تسمي الجبل العادي جبل والجبل اللي عليه شجر بتسميه طور.

3- القول الثالث: أن الطور هو **جبل الطور** خصوصاً إلهي ربنا كلم عليه سيدنا موسى..

يبقى عندنا قول واسع وأضيق وأضيق.

الواسع الجبل قل الجبال، أضيق منه الجبل اللي عليه شجر، أضيق خالص الجبل إلهي ربنا كلم عليه سيدنا موسى إلهي هو الطور فسروها بقوله تعالى:

{وَطُورِ سِينِينَ}

واللي قال الجبل إلهي عليه شجر بص للغة العرب إن العرب بتقول الجبل إلهي عليه شجر إسمه الطور، وإلهي قال الجبل عموماً قال والله هي الكلمة عامة ليه خصصتها بالجبل بتاع سيدنا موسى خصوصاً.

كل واحد ليه وجه نظر عموماً هي كلها مظاهر قدره..

{وَكِتَابٍ مَّسْطُورٍ}

ما هو الكتاب المسطور؟

3 أقوال:

مسطور يعني مكتوب.

1- القول الأول: إن هو اللوح المحفوظ.

2- القول الثاني: إن الكتاب المسطور هو الكتب المنزلة عمومًا أسم جنس لكل الكتب المنزلة.

3- القول الثالث: كتاب مسطور أي القرآن.

3 أقوال طب إلي قال اللوح المحفوظ قال ليه قال كتاب مسطور وربنا قال عن اللوح المحفوظ:

{وَكُلُّ صَغِيرٍ وَكَبِيرٍ مُسْتَظَرٌّ}

فده ربطها بدي والنبي عليه الصلاة والسلام قال على اللوح المحفوظ إنه (كتبت فيه مقادير الخلائق) وقال (رفعت الأقلام) يبقى هو اتكتب فيه.

وإلي قال الكتب المنزلة بص للكلمة عمومًا قال كتاب مسطور لعله المقصود بيه الكتب المنزلة إلي أنزله الله، وإلي قال القرآن خصص شويه.

{فِي رَقٍّ مَّنْشُورٍ}

يعني إيه رق؟ يعني **الجلد الرقيق**، العرب بتسمي الجلد الرقيق رق من الرقة.

طيب لو قلنا الرق المنشور هو الجلد الرقيق نرجع تاني للكتاب المسطور في ناس قالوا طالما قولنا في رق منشور يبقى مش مناسب مع الرق المنشور إن نقول اللوح المحفوظ لأن اللوح المحفوظ لوح مش رق منشور.

طيب إيه هو إلي بيتكتب في الرق المنشور في الجلد دايمًا؟ الكتب عمومًا.

فلو قولنا رق منشور هيبقى الأنسب في الأقوال السابقة الأقرب إن الكتب المنزلة أو القرآن.

ممكن نميل شوية ناحية القول إن كتاب مسطور ممكن يكون الكتب المنزلة عمومًا أو القرآن، طيب إلي قال القرآن بقى خصوصًا هيقول والله أنا بقول القرآن عشان حاجة تانيه بقى.

إلي هيقول القرآن ده ممكن يجبها من الطور نفسه، إلي قال إن الطور هو جبل موسى هيقول مناسب إن إحنا نقول الكتاب المسطور القرآن لأن ده مناسب كده هيبقى مناسب، في أقوال متناسبة مع بعض، إلي هيقول إن الطور هو جبل موسى هيبقى مناسب معاه إنه يقول كتاب مسطور هو القرآن، ليه؟ لأن هيقولك إن **الطور ده إشارة إلى رسالة موسى** أصلًا يبقى **الكتاب المسطور إشارة إلى رسالة محمد..**

وكان المعنى زي ما أرسلنا موسى نرسل محمد، زي ما كلمنا موسى نكلم محمد، زي ما أنزلنا التوراة نزل القرآن، ليه بتصدقوا ده وبتكذبوا ده؟ ليه بتقروا وبتكذبوا ده؟

ففي أقوال بتمشي مع بعض كده يعني.. المهم إن أنت تفهم، مش مهم دلوقت الترجيح، بس أنا عايزك تستوعب أد إيه جمال الناس دي لما بتفكر في الأقوال.

{وَالْبَيْتِ الْمَعْمُورِ}

النبي عليه الصلاة والسلام لما أرتقى في رحلة الإسراء والمعراج طلع السما السته وبعد كده طلع السما السبعة عند سيدنا إبراهيم.

قال فرأيت البيت المعمور، صريحة إلهي هو كعبة الملائكة في السماء السابعة، في بيت أسمه البيت المعمور، دي كعبة كده تحج إليها الملائكة، قال: (رأيت البيت المعمور ورأيت يدخله كل يوم سبعون ألف ملك لا يعودون) يعني كل يوم بيحج للبيت المعمور ده سبعين ألف ملك من يوم ما ربنا خلقه لغاية ما يشاء الله، هو في كم ملك ربنا خلقه! حاجة مهوله حاجة رهيبة، كأن القسم بالبيت المعمور ده برضو قسم بمظهر هائل من مظاهر صنع الله وقدره الله وعدد الملائكة وحاجة خيال، والبيت المعمور اللي بتحج إليه الملائكة.

{وَالسَّقْفِ الْمَرْفُوعِ}

والسقف المرفوع يعني السما، لأن ربنا سمى السما إيه؟ قال:

{وَجَعَلْنَا السَّمَاءَ سَقْفًا مَحْفُوظًا}

ده تفسير القرآن بالقرآن.

{وَالْبَحْرِ الْمَسْجُورِ}

تحتمل معنيين:

1- المسجور تأتي في لغة العرب بمعنى إلهي هو **أحترق**، يقال سجرثُ التنور يعني أشعلته، أشعلته يعني البحر المشتعل، فالبحر المسجور **البحر المشتعل**، طب أمته البحر هيبقى مشتعل؟ يوم القيامة.

2- المعنى الثاني البحر المسجور، كلمة مسجور عند العرب يعني **الممتلئ**.

وده هنا قسم بقدره الله، بيقول أنظر إلى البحر، هذا البحر مملوء ورغم إن هو مملوء لا يفيض على الناس ولا يفسد عليهم معيشتهم، وكل شئ بقدر وهو مبيعديش خطوطه حتى البحرين.

{إِنَّ عَذَابَ رَبِّكَ لَوَاقِعٌ (7) مَا لَهُ مِنْ دَافِعٍ}

واقع حاصل ما له من دافع.

سيدنا عمر كان ماشي في المدينة قبل كده وعدى على بيت واحد يقوم الليل، فسمعه يقرأ من أول الطور لغاية:

{إِنَّ عَذَابَ رَبِّكَ لَوَاقِعٌ * مَا لَهُ مِنْ دَافِعٍ}

فقال عمر: إستند على جدار، رجليه مش قادرة تشيله، وأستند على جدار وقال: قسم حق ورب الكعبة، قسم حق ورب الكعبة، قسم حق ورب الكعبة.

وعاد إلى بيته وظل في بيته شهر مريض يعود الناس ولا يعلمون به، وما فعل به ذلك إلا خوف من الله سبحانه وتعالى.

سبحانك الله ربنا وبحمدك، نشهد أن لا إله إلا أنت، نستغفرك ونتوب إليك.